

**УШБУ  
СОНДА:**

Яхши шашаб, яхши  
яшадиганлар

**2**  
ФЕРМЕР ИМКОНИЯТИ

**НОКОБИЛ ФАРЗАНД**

ота-она шўри, умр эгози

**3**

**НОКОБИЛ ФАРЗАНД**

ота-она шўри, умр эгози

**ОНА – КОМИЛИК  
ТИМСОЛИ**

**4**

**МАВЛАНАСИЙ**



Олим Валиханов

# ХОИН ҚИСМАТИГА ХОРЛИК ЁЗИЛМИШ

Республика Прокуратураси томонидан бир гурух Ватан хоинлари – экстремист гурухларнинг жиноятлари хусусида «Халқ сўзи» газетасида чоп этилган «Прокуратура айномаси» жойларда кенг муҳокама қилиниб, ҳурлик ва озодлигимиз душманларининг ёвуз кирдикорлари лаънатланмокда.

## ОНАНИ ЙИГЛАТГАН ХУДОНИНГ ҚАҲРИГА УЧРАР

Т.Йўлдошев ва унинг ҳамтоворкларидан иборат қуролланган гурухлар томонидан Андикон вилоятида ҳаммаси бўлиб 12 та силага нисбатан босқинчилик содир қилинган, натижада 7 нафар фуқаро ўлдирилган...

1999 йил 30 март куни жинойи уюшма аъзолари С.Бобоҷонов, Ҳ.Ҳалиллаев ва бошқалар Тошкент-Урганч йўналишида ҳаракатланаётган «Икарус» русумли автобусдаги 26 нафар йўловчи ва 2 нафар ҳайдовчини гаровга олганлар. Гаровдагиларни озод қилиш вақтида 5 нафар бегуноҳ фуқаро улар томонидан отиб ўлдирилган...

1999 йил 25 январ куни жинойи уюшма аъзолари ... Янгибозор туманида яшовчи Р.Кўчкоровнинг уйига ҳужум қилиб, жами 8 миллион 646 минг сўмлик мулкни тортиб олганлар...

Гаровга олинган ... отиб ўлдирилган ... тортиб олинган ... Буларни ўқиб туриб, ёқа ушлайман. Нахотки, шундан кейин ҳам

ўзлари аъзо бўлган «Ислом уйғониш ҳизби», «Адолат», «Товба», «Ислом Маркази» каби ташкилотларнинг обрўси қолди деб билишса? Ахир, бу «ислом лашкалари»нинг кирдикорлари дин таълимотига ва йўлйўриклидаги мутлақо зидку! Гаровга ол, ўлдир, талон-торож қил, дейилмаган-ку Куръони каримда.

Кимнингдир фарзанди, турмуш ўртоғи ёки, кимнингдир отаси эди-ку ахир ўша ўлдирилган бегуноҳ кишилар. Оналар фарёди, бевалар охи, фарзандлар ноласи ва умуман ҳалқ тавқи лаънати уларни Худо қаҳрига гирифторм қилмайдими?..

Мен «Прокуратура айномаси» билан танишиб, бир нарсага амин бўлдим. Энди улар тузалишмайди, бошқаларни ҳам ўзлари ботган лойга тортиш бу муртадларнинг ҳаёт мазмунига айланаб қолаверади. Бас, шундай экан, бундайларга шафқат бўлмаслиги керак.

**О.МАТМУРАТОВА,  
Хоразм вилояти.**

## БУНДАЙЛАРГА ШАФҚАТ ЙЎҚ

Дейдиларки, буюк фотих Искандар Зулқарнайн ҳар қанча ҳаракат қиласин, Спитамен бош бўлган ватан-парварларни тобе этолмайди. Шунда доно вазирлари маслаҳати билан Искандар гёй ўзини унинг хотинига ошиқи бекарор қилиб кўрсатиб, муҳаббат изҳор этилган мактуб йўллади. Фотихнинг сўзларига учган енгилтак хотин Спитамен ухлаб ётганида унинг бошини танидан жудо қилиб, Искандарга тухфа этади. Во дариг, жаҳонгир шоҳ уни ўлдиришга буоради. Бундан ҳайрон бўлганларга эса шоҳ шундай дейди: «Ўз эрига, ўз ерига, ўз элига хиёнат қилган хотин менга садоқат кўрсатармиди?»

Бундай воқеалар тарихда кўплаб юз берган. Таасуфки, хоинлик кўчасига кирганлар ҳозирги кунда ҳам бор экан. «Прокуратура айномаси» динни ниқоб қилиб олган, фикри-зикри ҳокимиятни эгаллаш бўлган ватанfuрушларнинг афт-башарасини очиб ташлайдики, у ҳамон оқ билан қорани ажратолмай юрган адашгандарнинг эс-хушини йиғиштириб олишига кўмаклашади, деб ўйлайман.

Ҳа, биз Спитамен, Широқ, Амир Темур авлодларимиз. Биз учун энг муқаддас туйғу, бу эрк ва ҳурлика яшашдир.

**М.ТОЖИБОЕВА,  
Марғилон шахри.**

2000 йил 24 октябр, сепсанба № 156 (988)